

A Ang unang panaghiusa.

❖ Gibuhat sa paghigugma.

- Gilalang sa Dios ang tanang butang nga “maayo kaayo” (Genesis 1:31). Ang Yuta, ang mga mananap ug mga tawhanong binuhat nga makigdugtong sa usag usa diha kahiuyonan.
- Ang dagway sa Dios nabuhat diha sa duha ka tawo, lalaki ug babaye. Gibuhat sila diha sa dagway sa Dios. Kana maoy panaghiusa uban ang gugma ingon nga patukoranan niini (1 Juan 4:8)

B Ang panaghiusa nabuak.

❖ Gikan kang Adan ngadto sa Lunop.

- Ang sala ni Adan ug Eva mibalda sa kahiuyonan, panaghiusa ug gugma tali sa lalaki ug babaye, tawhanong binuhat ug Nilalang, ug tawhanong binuhat ug Dios:
 - (1) Ang lalaki nagbasol sa babaye (Genesis 3:12)
 - (2) Ang kinaiyahan nadagtaan (Genesis 3:17-18)
 - (3) Gipatay ni Cain si Abel (Genesis 4:8)
 - (4) Ang tawhanong binuhat nadaot sa katibuokan (Genesis 6:5)
 - (5) Ang Lunop maoy mitapos sa tawhanong kasaysayan (Genesis 6:7)
- Pero, ang Dios nagpilig usa ka Salin (Noe ug ang iyang panimalay) ug naghatag sa tawhanong binuhat og ikaduhang higayon. Ang bangaw nagatabang kanato sa paghinundum nga ang Dios sa gihapon buot magtuman sa iyang unang plano alang kanato.

❖ Ang Tore sa Babel.

- Ang mga tawo naningkamot nga mahiusa uban sa Dios. Kana naghatud ngadto sa pagsimbag mga diosdios ug pagpasigarbos kaugalingon.
- Gikinahanglan sa Dios nga pahunongon kana nga mene nga panaghiusa pinaagi sa pagmugnag nagkandaiyang mga sinultihan.

C Pagpahibalik sa panaghiusa.

❖ Ang Dios nagtawag kang Abraham.

- Si Abraham mao ang amahan sa tanang magtutuo. Makakat-on kitag pipila ka mga sukaranang konsepto sa panaghiusa tali sa mga Cristiano gikan sa iyang panag-ingnan:
 - (1) Siya matinumanon.
 - (2) Ang iyang paglaum nahimutang diha sa mga saad sa Dios.
 - (3) Siya nagtuo nga tumanon sa Dios ang Iyang saad; usa ka kaliwatan sama sa mga bitoon diha sa kawanangan.
 - (4) Misalig siya sa plano sa kaluwasan sa Dios.

❖ Israel gipili.

- Ang Dios nagpili sa Israel ingon nga Iyang katawhan tungod kay nahigugma Siya kanila. Wala silay gibuhat ni bisan unsa nga makapahimo kanilang takus nga mamahimong mga pinili (Deuteronomio 7:7-8)
- Ang Cristianong Iglesia mao ang bag-ong Israel. Kinahanglan kita makasabot nga kita walay ikapasigarbo sa bisan unsa atubangan Kaniya. Gipili kita sa Dios nga mamahimong mahiusa uban Kaniya tungod lamang kay Siya nahigugma kanato (Galatia 3:28)